

Delegat Mehmed Bradarić postavio je pitanje Vijeću ministara BiH i uputio inicijativu kolegijima oba doma Parlamentarne skupštine BiH.

Pitanje upućeno Vijeću ministara BiH glasi:

Dom naroda Parlamentarne skupštine BiH na 14. sjednici, održanoj 19.4.2012., usvojio je zaključke koje sam predložio, a koji se, između ostalog, odnose na zahtjev Doma naroda da Vijeće ministara BiH, u skladu s članom 58. Zakona o državnoj službi BiH, kao tijelo imenovanja, odmah suspendira direktora Fonda za povratak Mladena Božovića do okončanja krivičnog postupka koje protiv njega vode posebni odjel za organizirani kriminal Tužilaštva BiH. Sada se ne pozivam na Poslovnik Doma naroda PSBiH, već na čl. 4. i 11. Zakona o slobodi pristupa informacijama BiH. Zahtijevam da Vijeće ministara BiH informira mene i ovaj dom da li je postupilo po zahtjevu Doma naroda PSBiH.

Inicijativa upućena kolegijima oba doma Parlamentarne skupštine BiH glasi:

„Podnosim inicijativu za donošenje odluke o osnivanju Zajedničke parlamentarne komisije za antikorupciju.

Zadatak Komisije bio bi da nadgleda i analizira rad državnih organa, institucija, organizacija i tijela u borbi protiv korupcije i organiziranog kriminala, razmatra pitanja i probleme u provođenju zakona koji se odnose na borbu protiv korupcije i organiziranog kriminala i predlaže njihove izmjene, predlaže dodatne mjere za unapređenje strategija, akcionih planova i drugih dokumenata koji se odnose na borbu protiv korupcije i organiziranog kriminala, razmatra predstavke i upućuje ih nadležnim organima i drugo.“